

**Ingerlatseqatigiiffinnut inatsisip, ukiumoortumik naatsorsuutitut inatsisip inatsisillu allat assigiinngitsut allanngortinneqarneri pillugu inatsimmi § 5-p Kalaallit Nunaannut atulersinnera pillugu peqqussut (Aqutsivinni qullersani suaassutsikkut katitigaanerit pillugit kisitsisit anguniakkat politikkillu aamma tamanna pillugu nalunaaruteqartarneq pillugu maleruagassanik eqqussineq)**

UAGUT MAGRETHER AAPPAAAT, Guutip saammaanneragut Danmarkip Dronningia, nalunaarpugut:

Ingerlatseqatigiiffinnut inatsisip, ukiumoortumik naatsorsuutitut inatsisip inatsisillu allat assigiinngitsut allanngortinneqarneri pillugu inatsimmi nr. 1383, 23. december 2012-meersumi § 10<sup>1</sup>-p malitsigisaanik (Aqutsivinni qullersani suaassutsikkut katitigaanerit pillugit kisitsisit anguniakkat politikkillu aamma tamanna pillugu nalunaaruteqartarneq pillugu maleruagassanik eqqussineq) aalajangersarneqarpoq:

**§ 1**

Aningaasanik ingerlataqarneq pillugu inatsimmi, kunngip peqqussutaatigut nr. 1252, 15. december 2004-meersukkut Kalaallit Nunaannut atulersinneqartumi, peqqussut nr. 1047, 1. september 2010-meersukkut, peqqussut nr. 838, 14. august 2012-meersukkut, [inatsit 1553, 21. december 2010-mut tunngatillugu][inatsit 1556, 21. december 2010-meersumut tunngatillugu][inatsit 456, 18. maj 2011-mut tunngatillugu][inatsit 616, 14. juni 2011-mut tunngatillugu] [inatsit 155, 28. februar 2012-mut tunngatillugu] [inatsit 273, 27. marts 2012-mut tunngatillugu][inatsit 557, 18. juni 2012-mut tunngatillugu][inatsit 1231, 18. december 2012-mut tunngatillugu][inatsit 1287, 19. december 2012-mut tunngatillugu] allanngortinneqartumi, imatut allannguisoqarpoq:

**1.** § 79-p kingorna § 80 sioqqullugu qulequtaq sioqqullugu ikkunneqarpoq:

»**§ 79 a.** Aningaasanik ingerlataqarfinni aamma aningaasanik piginnittut suliffeqarfinni, EU/EØS-imi nunami niuerfimmil malittarisassaqaartinneqartumi niuernermit atugassanik pappiaqqanik naleqartunik peqartuni, imaluunniit ukiuni naatsorsuuseriffiusuni tulleriinni marlunni 500 mio. kr.-inik taakku-luunniit sinnerlugit oqimaatigiinnermi aningaasaateqartuni siulersuisut

1) siulersuisuni suaassutsikkut ikippallaamik sinniisoqartut amerlassusissaannik kisitsimmik angunigassaliissasut aamma

2) suliffeqarfiup aqutsisuini allani suaassutsikkut ikippallaamik sinniisoqartut amerlassusaat qaf-fatsinniarlugu politikkilliortoqassasoq, taamaattorli imm. 2-4 takukkit.

*Imm. 2.* Suliffeqarfiit imm. 1-mut ilaasut, suliffissuarmut naatsorsuusiortunut, suliffissuaq ataatsimut tamaat isigalugu kisitsisinik anguniagassanik aamma politikiliortoqarnissaa naammappoq, imm. 1 naapertorlugu

*Imm. 3.* Ingerlatseqatigiiffik pigisaq, suliffissuarmut ilaasoq kisitsisinik anguniagassanik aamma politikiliornissaat pinngitsoortinneqarsinnaavoq, imm. 1 naapertorlugu, ingerlatseqatigiiffik piginnittoq suliffissuaq ataatsimut tamaat isigalugu kisitsisinik anguniagassaliorsimappat aamma politikiliorsimappat.

*Imm. 4.* Suliffeqarfiit, ukiumi naatsorsuusiortufiusumi kingullermi 50-nik ikinnerusunik sulisoqartut, aqutsisu-ni allani suaassutsikkut ikippallaamik sinniisoqartut amerlassusaat qaffatsinniarlugu politikiliortoqarnissaa pinngitsoortissinnaavaat, imm. 1, nr. 2 naapertorlugu

*Imm. 5.* Suliffeqarfik aalajangersakkamut matumunga aamma aktiatigut ingerlatseqatigiiffiit pillugit inatsimmi, kunngip peqqussutaatigut Kalaallit Nunaannut atulersinneqarsimasumi aqutsisuni qullersani allani suaassutsikkut katitigaaneq pillugu aalajangersakkanut ilaappat, imaluunniit suliffeqarfiit inuusutissarsiornikkut ingerlanneqartut ilai pillugit inatsimmi, kunngip peqqussutaatigut Kalaallit Nunaannut atulersinneqarsimasumi, aalajangersagaq taanna salliutinneqassaaq.«

**2.** § 373, imm. 2-mi, »§ 77 d, imm. 1 aamma 2,« kingorna ikkunneqarpoq: »§ 79 a, imm. 1, nr. 1,«.

## § 2

Peqqussut ulloq x.xx 2015-mi atulersinneqarpoq.

---

<sup>1</sup> Aalajangersagaq imatut oqaasertaqarpoq: *Imm 1.* Inatsit Savalimmiunut aamma Kalaallit Nunaannut atuutinngilaq, taamaattorli imm. 2 aama 3 takukkit. *Imm. 2.* Inatsit kunngip peqqussutaatigut tamakkii-sumik ilaannakuusumilluunniit Kalaallit Nunaannut atulersinneqarsinnaavoq, Kalaallit Nunaanni pis-sutsit naapertorlugit allannguuteqartillugu. *Imm. 3.* (Ilaatinneqanngilaq)